

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea  
Obtinenda Requisitis ...

**Leuren, Peter**

**Coloniæ Agrippinæ, 1704**

407. An & qualiter Canonici, aliíque supradicti absentes ratione infirmitatis  
excusentur à residentia, lucenturque fructus & distributiones.

---

[urn:nbn:de:hbz:466:1-74477](https://nbn-resolving.de/urn:nbn:de:hbz:466:1-74477)

5. Quartò procedit idem de Cardinali habente in suo servitio duos Canonicos tituli. Lott. n. 184. citans Navar. *de cler. non resid. consil. 1. per totum.* Nihilominus loquendo universaliter, familiares Cardinalium non excusari à residentia, nec posse percipere fructus in absentia, cùm non extet neque in jure tale privilegium, ut Franch. *in c. fin. de verb. signif. in 6. n. 3.* nec etiam hodiecum speciale privilegium Garc. n. 388. referens quoque ipselam defuper declarationem S. Congregationis *in una Abulensi* n. 423. & ex eo Paxjord. n. 173. contra Syl. Zerol. Abb. Selv. ex Jo. And. afferentes, Papam hodie hanc prærogativam concedere Cardinalibus.

6. Quintò idem procedere in Legato quantum ad provinciam suam Garc. num. 382. citat pro hoc plures, quamvis dicat &c.

7. Sexto procedit in Archiepiscopis quoad clericos sua diecesis, & non suorum suffraganeorum. Garc. loc. cit. citans Zerol. Selv. Hojed. &c. & dicens esse communem DD. *in c. cum dilectus.*

8. Septimò, & quidem à potiore, quoad familiares Papæ existentes in ejus servitio, ut Capellani, Camerarii & similes, ( modò afflant Pontifici principaliter ad ei servendum, & non ad expiscanda beneficia, quamvis & hæc intentio, si sit secundaria, non noceat. Paxjord. loc. cit. n. 171.) ita tamen, ut neque hi percipere possint distributiones quotidianas. Navar. *consil. 2. de cler. non resid.* Garc. n. 383. & 385. cùm communī DD. *in cir. c. cum dilectus.* Sed nequidem percipiunt fructus scriptores, alijque officiales Curia, qui stant principaliter propter suum lucrum, nisi ex præcepto Papa in Curia morentur. Garc. n. 384.

9. Octavò censet Garc. n. 381. idem procedere in Prælati Episcopo inferioribus respectu suorum subditorum, cùm textus *c. de cetero.* loquatur generaliter, nec appareat, cui loquatur. citat pro hoc Abb. *in cit. c. de cetero.* n. 3. Selv. p. 4. q. 6. casu 17. Navar. l. paulo antecit. Rebuff. tit. de diff. de non resid. n. 45. idem tenet Paxjord. n. 172.

10. Denique existentes in servitio aut officiis Regum & Principum non posse percipere fructus, nec excusari à residentia, èò quod in jure non extet tale privilegium, aut si quandóque in particuliari concessum ante Trident, revocatum sit per illud, docet Garc. n. 389. & seq. contra Selv. loc. cit. casu 24. Cavall. *in suis communibz contra communes.* q. 385. n. 7. Bocr. &c. unde nec procedere in Capellanis regum, nisi forte concessum iis privilegium post Trid. quale tamen non esse, ait idem Garc. n. 391.

*Questio 406. An, & quando servientes Episcopo ( idem est de aliis ) præter fructus lucrari possunt distributiones ?*

1. R espondeo: in sequentibus casibus. Primo ubi ita habet confuetudo; hæc enim servanda erit, cum sit ex justa causa. Garc. p. 3. c. 2. num. 348. citans Covar. l. variar. resolut. c. 13. n. 5. Hojed. de incomp. benef. p. 1. c. 17. num. 10. contra Navar. *consil. 2. de cler. non resid.* dicentem: Canonici servientibus Episcopo consuetudinem non prodest ad habendum distributiones.

2. Secundo, dum adeat specialis gratia & concessio Papa. Garc. n. 354. citans Navar. *consil. 2. n. 3.* ubi & recitat indulustum, quo id concessum S. Carolo Boromæo, ut ejus Vicarii foranei, dum ratione officii sui per loca sui Vicariatus ratione visitatio-

nis, aut alicujus alterius negotii spiritualis absunt ab eorum Ecclesiis, obveniant nihilominus eis distributiones, acsi in choro præsentes essent. uti & n. 356. dicit, isticmodi privilegium solere quoque ad tempus concedi, & prorogari Inquisitoribus, aliqui ministris S. Inquisitionis Hispaniae: idemque datum à Clement. VIII. pro Curatoribus generalibus cleri Hispania deputatis & residentibus in Curia Romana, vel Regis Catholici restatur. n. 375. Porro debere hoc ipsum exprimi in concessione Papali, cùm alioqui nomine fructuum non veniente distributiones quotidiana: essèque tale privilegium strictæ interpretationis, salvâ verborum proprietate, utpote cedens in diminutionem cultus divini, & prejudicium aliorum præsentium, & derogationem legis communis monet Pth. num. 95. ex Castrop. cit. d. 3. p. 9. §. 10. n. 4.

3. Tertiò Canonici missi à suis Episcopis ad visitanda eorum nomine limina Apostolorum, uti & comitantes ad eadem limina ipsos Episcopos, lucrantur non solum fructus, sed & distributiones ex decreto Sixti V. Garc. n. 349. Pth. num. 91. citans Castrop. *ubiq. n. 4.* quod ipsum ex mente ejusdem Sixti V. procedere in aliis præbendatis, licet nou sint de Capitulo, ait idem Garc. n. 350. Canonici tamen, aut præbendati missi ab Episcopo alterius Ecclesie, aut eum comitantes, etiam hic esset eorum Episcopus originis, vel triam ratione aliorum beneficiorum in ejus diecepsi existentium, nec distributiones, nec fructus percipient. Garc. *vid.* Neque etiam habentes beneficia simplicia, quibus per substitutum deserviri potest, percipient ista de causa non serviendo distributiones, aut alia emolumenta serviti, nec excusabuntur à ponendo Vicario seu substituto. Garc. *ibid.* Porro non potest Episcopus nisi unum gaudentem hoc privilegio mittere suo nomine ad dicta limina, dum tamen ipse vadit, potest duos secum ducere, & si plures quam duos secum duceret, aut plures quam unum mitteret, nullus eorum perciperet fructus, aut distributiones, quia non est major ratio de uno, quam de altero. Garc. *ibid.* quamvis addat, videri probabile, & de mente Sixti V. quod duo Canonici aut præbendati comitantes Episcopum, aut unus ab eo missus, lucentur etiam distributiones, licet alias habeat in suo servitio occupatos duos alios, nisi forte ex hoc Ecclesia pateretur magnum detrimentum ob paucitatem ministrorum.

4. Quartò, dum Canonicatus consistenter solum in distributionibus quotidianis, servientes Episcopo lucrantur quotidianas distributiones, amissione solum tertia parte, qua deservientibus, seu præsentibus accrescit. Garc. n. 351. juxta plures S. Congregationis declarationes, quas *ibidem* recitat. Quod autem, ut habent ejusdem S. Congregationis declarationes ab eo relata. n. 113. & 114. Absentes ratione studii, aut residentia in parochiali fruuntur tunc integrè distributionibus, videri rationem esse, quod ita cause absentia videantur magis pia, majorēque favore digna, vide illum n. 352. & 353.

*Questio 407. An, & qualiter Canonici aliqui supradicti absentes ratione infirmitatis excusentur à residentia, lucenturque fructus & distributiones ?*

R espondeo: præter dicta superioris de curatis hac de causa absentibus ab Ecclesiis suis, & hic à potiore etiā in ordine ad distributiones lucran-

lucrandas habere locum. Vide etiam Pirk. loc. cit. n. 86. ubi etiam ex Castrop. loc. cit. n. 5. ait: probabile esse, eum infirmum, qui etiam dum sanus erat, non solebat interesse divinis, lucrari adhuc tempore infirmitatis etiam distributiones. Et nu. 88. dat disparitatem, quare potius, qui suā culpā incidit in infirmitatem, percipiat adhuc distributiones, & non, qui ob culpam suam est incarceratedus.

*Quaestio 408. An, & qualiter Canonici dictique alii ratione studiorum excusentur à residentia, lucentur fructus & distributiones?*

1. Respondeo primò: quoad Canonicos aliquae beneficia non curata residentiam requirent, habentes privilegia dicta superioris abessendi, & in absentia percipiendi fructus manent incorrecta, & non derogata. Garc. cit. p. 3. c. 2. num. 88. cum communi. Hoc tamen privilegium locum non habet, etiam in simplicibus beneficiis residentiam requirentibus ex fundatione, seu institutione, quia non censetur derogatum fundationi, nisi expressè ei derogetur, & de ea fiat specialis mentio. Garc. n. 111. quem etiam vide p. 4. c. 3. num. 73. & p. 7. c. 1. n. 118. Ubinam autem, quibus studiis vacare debant, ut dictis privilegiis fruantur, vide dicta supra de curatis quoad hoc punctum. Quibus addit ex Pirk. n. 37. quod non sufficiat tales morari in loco, ubi studia videntur, si ibi solum aliis rebus vacent; potando, saltando, vel etiam ut linguam peregrinam discant; sed requiri, ut ipsi se in studiis exercant, ut docet etiam Abb. in c. fin. de Magist. n. 6. item Paxjord. loc. cit. n. 142. & seq. ubi: quod nisi cum debita diligentia studiis competentibus incumbant, teneantur ad restitutionem fructuum in tali absentia perceptorum, pro quo citat AA. quamplurimos, qui tamen num. 144. ait: hæc accipienda cum moderatione, cum impossibile sit, semper incumbere studiis, sed satis sit id facere congruis temporibus, & majore anni parte, & hinc concedi valetudinis causa vacantes. Unde etiam Moneta de distrib. q. 10. n. 19. Barb. alleg. sc. n. 25. auid Paxjord. ibid. docent; non amitti illud privilegium, & conferi istos adhuc esse in scholis, si quandoque aliò ad breve tempus divertant statim reversuri. Et hæc quoad dictum privilegium percipiendi in absentia fructus; nam alia privilegia scholarium non auferunt regulariter otiosis, & non studentibus, de quo vide pulchra ibid. apud Paxjord. n. 145. & seq. &c. similiter docet Paxjord. loc. cit. n. 138. ex Garcia n. 117. citante desuper S. Congregationis declarat. quod scholares seu studentes in Ecclesiis cathedralibus non gaudent iisdem privilegiis quoad percipiendos fructus in absentia, sicut studentes in studiis publicis, vel academiis, adeoque non sufficere studere apud scholasticum in cathedralibus aut collegiatis, & hujusmodi. citatque pro hoc Monetam de distrib. q. 10. num. 17. Barb. ubi ante num. 21. Zechum &c.

2. Videtur hodiecum requiri etiam in his ad absendum ratione studii licentia superioris, seu Prælati. (cum autem quis habere possit plures ordinarios, illius erit dare licentiam, in cuius dictæ est beneficium, inquit Paxjord. l. 10 tit. 40. n. 131. & quod Episcopus hanc licentiam concedere possit, nec antiqua jura in hoc censeantur correc̄ta, nisi quoad Parochos & curatos, testantur cum commun-

ni Rebuff. de privileg. scholar. privileg. 29. & 31. Horat. Lucius in eod. tr. privileg. 99. Garc. nu. 45. & 85. Barb. & alii apud Paxjord.) cùm requiratur inspeccio ætatis, & num sit aptus, aliorumque de quibus supra iuxta declarat. S. Congreg. Garc. n. 87. Zerola v. studium, dicens ita decrevisse Pium IV. in sua Bulla. Zechus &c. vide etiam Pirk. loc. cit. m. 36. ubi tamen notabiliter primo videtur excipere studium Theologiae & juris Canonici. Tenetur autem Ordinarius dare licentiam absentia ratione studiorum, modò in petitio concurrentia & alia requisita, de quibus supra, alias poterit appellari, & recurri ad superiorem. Pirk. ibid. Garc. n. 86. citans Abbat. Selv. Zerol. &c. cùm enim in ipsis adhuc, ut dictum, in robore suo maneat privilegium illud, ista licentia ab Ordinario danda non est gratia, sed justitia, & necessitatis, nisi aliqua causa & ratio legitima obstat. Garc. ibid. unde etiam præx in danda hujus licentia dicit Paxjord. n. 167. ex Zerol. v. studium, ut personaliter se præsentent Ordinario, ut hic ex aspectu breviè examine arbitretur, num in fraudem id peratur, & certioretur de ætate, conjecturisque de idoneitate, & moneat de satisfaciendo conscientiis, conferendo se ad loca studiorum generalium, ibique actu & re ipsa operam dando Theologia vel juri Canonico; sed nec omnibus habilibus dandam istam licentiam, ne dum pluribus datur, Ecclesia defraudetur debito servitio, uti contingit, ubi numerus Canonicorum est exiguis, docet cum Zerola v. studium. Paxjord. n. 135. Porro non potest Episcopus etiam cum talibus ratione studiorum dispensare, & dare licentiam ad séptennium, sed solum ad quinquennium, juxta declarationem S. Congregat. dicentem: licentia, ut aliqua possit abesse causa studiorum à servitio sua Ecclesie, vel sui Canonici, non suffragatur ultra quinquennium &c. Garc. n. 101. contra Zerolam v. studium, & Zechum de repab. Eccl. tr. de cler. n. 7. docentes pro studio Theologia posse Ordinarium arbitrii tempus, & dare licentiam ad séptennium, nimil ut triennium in Philosophia, & quadrennium in Theologia, quo ita studia consumantur, ponat; declarationem vero sacra Congregationis, quam Garc. adducit n. 8. intelligendam de ætatis, de Ecclesia parochiali, & eam, qua modo recitata est, intelligendam de studio juris, quod ipsum ait Garcias esse divinare, præterquam quod illa citata n. 81. loquatur etiam de Canonici, Censem insuper Garc. nu. 103, non posse Episcopum concedere licentiam ad studium Philosophia in ordine ad transiendum ad Theologiam, cum dictæ declarationes, & c. fin. de Magist. loquantur de ipsa Theologia (salvo semper studio juris Canonici, de quo supra) multoque minus ad studendum in aliis scientiis, nisi ad sit speciale aliud privilegium concessum persona, vel Universitati alicui, quale dicit esse in Universitate Salmantica. & qualiter multa studia generaliter esse privilegiata, ut Scholares in quacunque honesta & licita facultate studentes, fructus suorum beneficiorum Eccles. participent, etiam si dignitates, personatus, plebaniz, & sacerdotes sint, aliisque specialiter prohibiti, ac specialiter studium Romanum quoad studentes in utroque jure docet Paxjord. n. 150.

3. Respondeo secundò: abentes ratione studiorum non lucrautur quotidianas distributiones c. licet de præbend. Gl. in c. fin. de magist. v. intregre. Garc. n. 112. Covar. variar. refolut. l. 3. c. 13. n. 2. Hojed. de incompl. c. 12. n. 8. Fuscus de visitat. l. 2. c. 15.